

# AKT THEMELIMI I SHOQËRISË

## AECG sh.p.k.

Sot, më datë 01.03.2024, ne Tirane, ortakët (me poshtë referuar si "**Ortakët Themelues**", ose "**Ortakët**"), si vijon:

Z. Astrit Panxha, i datëlindjes 01.01.1982, lindur në Prishtinë, Kosovë dhe banues në Tiranë, Shqipëri, me nr. personal 1231919399;

Znj. Elena Pici, e datëlindjes 25.05.1992, lindur Durrës, Shqipëri dhe banuese në Tiranë, Shqipëri me nr. personal J25525071L;

vendosën mbi këtë Akt Themelimi për krijimin dhe themelimin e shoqërisë tregtare me përgjegjësi të kufizuar sh.p.k..

### I. Themelimi

Ortakët Themelues deklarojnë bashkarisht, themelimin e shoqërisë **AECG sh.p.k.**, një shoqëri shqiptare me përgjegjësi të kufizuar ("**Shoqëria**"), e cila themelohet në përputhje me ligjin e aplikueshëm tregtar në Republikën e Shqipërisë.

Emertime të tjera tregtare: **AE Consulting Group**

Selia e Shoqërisë është në adresen: Rr. Ndreko Rino, Nd. 5, Hyrja 2, Ap. 38, Tiranë Shqiperi.

Shoqëria është themeluar për një kohëzgjatje të pakufizuar.

### II. Objekti

Objekti i aktivitetit të Shoqërisë, do të përfshijë, por nuk kufizohet në aktivitetet e mëposhtme:

- Aktivitete të keshillimit për biznes dhe keshilla të tjera për menaxhim dhe drejtim të ndërmarrjeve;
- Përgatitje e planeve të biznesit për nevojat e drejtuesve dhe për palët e treta, rivlerësim aktivitetesh, këshillime biznesi mbi mundësitë e zhvillimit, këshillime për fillim aktiviteti tregtar;
- Konsulenca në lidhje me transformimet dixhitale të proceseve të shoqërive operuese në industri të ndryshme;
- Koordinim i aktiviteteve biznesore dhe organizim i eventeve ;
- Ndërmjetësim, menaxhim, konsulence për lidhjen e marrëveshjeve midis institucioneve shtetërore, personave juridike vendas dhe të huaj, shtetërore dhe private për financim, hartim dhe zbatimin e projekteve në fushën e: investimeve, të industrisë, turizmit, infrastruktures, telekomunikacionit, energjitikes, mjedisit, bujqësisë, shëndetësisë, arsimit, sportit, hidroteknikes, ndërtimit hidrocentrale dhe, hartimi i studimeve,

projekteve, zbatimi i tyre, në fushën e: ndërtimeve civile, industriale, turistike, telekomunikacionit, aeroportit, energjitikes, mjedisit, bujgesise, shendetesise, arsimit, kultures, sportit, arkeologise, ndërtimeve civile, ndërtimi rrugësh, kanalesh, ura, ujësjellës, kanalizimeve, impjante vaditese, vera arti të cdo loji, hidrocentrale dhe termocentrale, rikonstruksioni i godinave dhe objekteve të do lloii të rendesise ekonomike e sociale.

- Të gjitha dhe çdo aktivitet tjetër tregtar që lidhet në mënyrë të drejtpërdrejtë ose tërthorazi me objektin e veprimtarisë dhe që nuk bien ndesh me legjislacionin e aplikueshëm në fuqi.

Ne përputhje me legjislacionin shqiptar për permbushjen e objektit të lartpërmendur, Shoqëria mund:

- (i) të kryejë çdo aktivitet me pasuri të luajtshme dhe të paluajtshme (përfshirë por pa u kufizuar në blerjen, shitjen, e marrjen dhe dhënien me qera të sendeve të luajtshme dhe të paluajtshme) si edhe aktivitete tregtare, financiare, qira apo hipotekore të cilat mund të konsiderohen të dobishme apo të nevojshme për permbushjen e objektit të Shoqërisë dhe që nuk tejkalojnë në masë aktivitetet kryesore, të cituara me sipër;
- (ii) të blejë, në mënyrë të drejtpërdrejtë apo të tërthortë, interesa në shoqëri të tjera që kanë objekt (objekti i aktiviteti) të ngjashëm me atë të Shoqërisë, në Shqipëri apo jashtë saj;
- (iii) të kryejë aktivitete publikimi, marketingu e reklamimi; të kryejë aktivitete të ndërtimit, konstruksionit, projektimit, duke marrë licensat përkatëse;
- (iv) të kryejë aktivitete import - eksporti të mallrave dhe/apo shërbimeve siç do të konsiderohet e nevojshme;
- (v) të marrë apo të japë françizë, liçensa, marrëveshje administrimi, apo manaxhimi me palë të treta; dhe
- (vi) të kryejë çdo aktivitet tjetër që mund të konsiderohet i dobishëm apo i nevojshëm për permbushjen e objektit të Shoqërisë.

Shoqëria do të kryejë çdo aktivitet që përfshihet në objektin e saj të aktivitetit dhe/ose që lidhet me objektin e saj.

Shoqëria do të respektojë të gjitha ligjet dhe rregulloret përkatëse në Republikën e Shqipërisë dhe standardet më të mira etike.

### III. Statuti

Ortakët Themelues deklarojnë pajisjen e Shoqërisë me Statutin e Shoqërisë, i cili firmoset dhe ekzekutohet në mënyrë të rregullt nga Ortakët Themelues të Shoqërisë së bashku dhe njëkohësisht me këtë Akt Themelimi.

Statuti i Shoqërisë është dokumenti thelbësor, së bashku me cdo marrëveshje tjetër që mund të firmoset kohë pas kohe nga Ortakët Themelues, që përcakton: emrin, formën ligjore, kohëzgjatjen, objektin e aktivitetit, kapitalin, administratorin, e të drejtat, detyrimet dhe kufizimet e tij, administrimin financiar dhe kontabël të shoqërisë, dhe ortakët e Shoqërisë, kompetencat e Asamblesë së Ortakëve, dhe marrëdhënien e Ortakëve mes tyre.

### IV. Kapitali

Kapitali i regjistruar i Shoqërisë është 100.000 Lek, i ndarë në 2 (dy) kuota dhe ai zotërohet nga ortakët e Shoqërisë, si më poshtë vijon:

Z. Astrit Panxha, i datëlindjes 01.01.1982, lindur në Prishtinë, Kosovë dhe banues në Tiranë, Shqipëri, me nr. personal 1231919399 i cili zotëron një kuotë, e cila përfaqëson 55% (pesëdhjetë e pesë perqind) të kapitalit të Shoqërisë, dhe është e barabartë në vlerën 55.000 (pesëdhjetë e pesë mijë) lek;

Znj. Elena Pici, e datëlindjes 25.05.1992, lindur Durrës, Shqipëri dhe banuese në Tiranë, Shqipëri me nr. personal J25525071L, e cila zotëron një kuotë, e cila përfaqëson 45% (dyzetë e pesë perqind) të kapitalit të Shoqërisë, dhe është e barabartë në vlerën 45.000 (dyzetë e pesë mijë) lek.

Çështje të tilla si zmadhimi dhe zvogëlimi i kapitalit të Shoqërisë, administrimi financiar dhe kontabël i Shoqërisë, apo çështje të tjera, detajohen në Statutin e Shoqërisë, i cili firmoset dhe ekzekutohet në mënyrë të rregullt nga Ortakët Themelues të Shoqërisë, së bashku me këtë Akt Themelimi.

### V. Organet e Shoqërisë

Organet e Shoqërisë janë:

- 1) Asambleja e Përgjithshme, e cila përbëhet nga Ortakët e Shoqërisë; dhe
- 2) Administratori i Shoqërisë.

### VI. Asambleja e Përgjithshme

Asambleja e Përgjithshme, e cila përbëhet nga Ortakët e Shoqërisë, është organi më i lartë vendimmarrës dhe i kontrollit të Shoqërisë e cila merr vendime në lidhje me aktivitetin e saj dhe politikat ekonomike dhe tregtare të saj.



Kompetencat e Asamblesë së Përgjithshme janë të detajuara në mënyrë të hollësishme në Statutin e Shoqërisë, i cili firmoset dhe ekzekutohet nga Ortakët Themelues të Shoqërisë.

## VII. Administratori

Shoqëria përfaqësohet dhe menaxhohet nga 1 (një) Administrator, apo më shumë, i cili është përfaqësuesi ligjor i Shoqërisë dhe e përfaqëson atë, në marrëdhënie me të tretët dhe është përgjegjës për aktivitetin e zakonshëm tregtar të Shoqërisë me përjashtim të atyre çështjeve që parashikohen në Statut dhe nga ligji i zbatueshem apo vendimeve të Ortakëve, apo çdo marrëveshje e ardhshme mes Ortakëve të Shoqërisë.

Administratori i Shoqërisë është:

- Znj. Elena Pici, e datëlindjes 25.05.1992, lindur Durrës, Shqipëri dhe banuese në Tiranë, Shqipëri me nr. personal J25525071L ("**Administratori**").

Administratori emërohet për një afat në detyrë prej 3 (tri) vitesh nga data e regjistrimit të Shoqërisë pranë Qendrës Kombëtare të Biznesit në Shqipëri ("**QKB**") me të drejtë rizgjedhjeje.

Administratori emërohet nga Asambleja e Përgjithshme e Ortakëve të Shoqërisë, në përputhje me Statutin e Shoqërisë. Me miratimin e emërimit të tij/saj, Administratori njeh se marrëdhënia e tij/saj me Shoqërinë është një marrëdhënie strikte besimi. Asambleja e Përgjithshme e Ortakëve të Shoqërisë ka kompetencë që të shkarkojë Administratorin nga detyra e tij/saj në çdo kohë dhe për çfarëdolloj shkak.


Të gjitha kompetencat, detyrimet, të drejtat dhe kufizimet e Administratorit të Shoqërisë, si dhe mënyra e përzgjedhjes dhe emërimit, janë të detajuara në mënyrë të hollësishme në Statutin e Shoqërisë, i cili firmoset dhe ekzekutohet nga Ortakët Themelues të Shoqërisë.

*Ky Akt Themelimi u hartua në 5 (pesë) kopje. Akti i Themelimit është hartuar në përputhje me parashikimet e Ligjit Nr. 9901, datë 14.04.2008 "Per tregtaret dhe shoqërite tregtare", i ndryshuar.*

Tiranë, më 01.03.2024

## ORTAKËT THEMELUES TË SHOQËRISË

Astrit Panxha



Elena Pici

